

上虞縣志校續卷三十八

武備志

兵制

宋

宋史兵志宋之兵制大槩有三禁軍廂軍而外選於戶籍或應募使之團結訓練以為所在防守則曰鄉兵又高宗紀建炎四年七月詔江浙州縣諭豪右募民兵據險立柵防遏外寇玉海乾道八年二月置忠武軍選二浙土兵弓手為之九年四月密院言忠武軍藝已精歸之州縣

梁湖堰營

在縣西額五十人

嘉泰會稽志

打竹索營

在縣東

嘉泰會稽志

上虞縣志校續

卷三十八

兵制

一

通明堰營

在縣東額二十五人

嘉泰會稽志

弓手

額七十人

嘉泰會稽志

佛跡山寨

在縣西北

萬歷府志

元

元史兵志諸路府所轄州縣設縣尉司巡檢司捕盜所皆為立巡軍弓手職巡邏專捕獲官有綱運及流徙者至則執兵仗導送以轉相授受外則不敢役示專其責焉

軍營

在縣治西南

正統志

佛跡山寨

在縣西北至正年間設

正統志

明

續文獻通考洪武元年以太史令劉基奏立軍衛法乃自京師達於郡縣皆立軍衛大率以五千六百人為衛一千一百二十八人為一千戶所一百一十二人為一千戶所設總旗二名小旗十名凡軍之政必聽於衛衛下千戶所千戶督百戶百戶下總旗小旗率其伍卒以聽所明會典洪武二十六年定凡天下要衝去處設立巡檢司僉點弓兵應役從信錄正統十四年九月令各處招募民壯就命本地官司率領操練遇警調用泳化類編宏治間令州縣選民壯年二十以上五十以下精壯之人州縣七八百里者每里僉二名五百里者三名三百里者四名一百里以上五名春夏秋每月操二次至冬操三歇三遇警調集官給行糧

瀝海所官兵 千戶一員百戶八員鎮撫二員額軍一千一百二十名帶管一百名召募一百五名萬歷府志

上虞縣志校續 卷三十八 兵制 二

本縣民兵 額四百名萬歷府志

弓兵 黃家堰廟山二巡檢司各設弓兵三十四名梁湖

巡檢司弓兵一十二名萬歷府志○案嘉靖初沿海弓兵獨倍他處每司額設一百名

與正軍同操有事聽調隨伍故通志海防黃家堰廟山俱作一百名倭變後因抽取工食始裁汰每司各存三十四名隨操亦廢

陸兵 前營左營中營每營總哨官一員部領哨官五員兵五百四十一名屬臨觀總統轄臨汎分發浙江通志

乾隆府志前營平時屯劄臨山衛操練防守遇警往來截剿汎期分發五哨內分一哨協守臨山衛巡哨周家路泗門烏盆趙港夏蓋山荷花池等處與防守瀝海所官兵會哨左營平時屯劄劄紹興府城操練防守遇警往

來截剿汛期分發防守三江所東哨宋家漚鯉浦等處
與防守瀝海所官兵會哨中營平時屯劄臨山衛操練
防守遇警往來截剿汛期分發一哨協守觀海衛又分
一哨協守三山所二哨防守臨山衛巡哨周家路泗門
夏蓋山等處一帶沿海地方又分一哨防守瀝海所巡
哨槎浦西海塘浦西滙嘴等處與防守三江所官兵會
哨

國朝

乾隆府志順治五年經制額設紹興府副將管轄左
右兩營每營於都司守備外各設千總二員把總四
員康熙四十七年十月為稟報事添設把總二員其
左營千把七員分防蕭山諸暨新昌嵊縣向天嶺三
江瀝海等七汛右營千把七員分防餘姚上虞觀海
周家路梁術中村北溪等七汛俱一年一調以均勞
逸雍正五年署直督宣條奏案內增添右營外委千
總二員外委把總五員巡防府城餘姚上虞臨山夏

上虞縣志校續

卷三十八

兵制

三

蓋山周巷澣山等七汛一體協防巡緝俱一年一調

防守縣汛 輪防千把總一員

浙江通志○案今駐防係千總署建縣治東南協

防外委一員

乾隆府志○案今協防係外委千總駐曹娥兼轄百官梁湖日曹梁汛嘉慶志作輪

防縣汛千把

馬步戰守兵丁原額四十名

浙江通志乾隆四

十七年奉文裁改養廉公糧分防上虞實帶兵三十八

名內戰兵三名守兵十名分撥口次戰守兵二十五名

詳汛

官例馬二匹兵戰馬一匹

乾隆府志

嘉慶間改設八十

七名內存汛二十六名分撥口次六十一名

詳見汛守○嘉慶志

同治二年郡城克復陸續召募無定額五年總督左宗

棠奏請減兵增餉 閩浙總督左宗棠奏閩之兵額六萬

已近十萬豈不為多如果一兵得一兵之用制賊自有

餘力何以巨賊入境所至成墟不但不能收一戰之功

並不能為一日之守也然則國家每歲所耗之餉不

重可惜乎假令事前兩省有素練之兵五萬以之援鄰

以之保境豈不綽然何至遠恃客軍多糜巨餉惟其兵

多故餉不能厚惟其餉薄故兵不能精此固前效之可

觀者臣惟兵之應亟汰者四老弱疲乏之兵吸食洋煙

之兵虛名占伍之兵塘汛零星之兵此皆無所用亦不

可練者此外各標協營聽差傳號書識各名色不預操

練之兵實為軍政之蠹亦應酌量裁減以實行伍約計

應汰之兵至少不下四成有餘兵既減其員弁亦可酌

量裁併所裁之廉俸薪乾亦可留養練兵挑留可練之

兵即以裁兵之餉加給之餉米併計馬戰守兵日用足

敷無須別營生業自可聚居勤練而免散漫荒嬉之弊

塘汛零星之兵有名無實甚或窩留娼賭擾害地方若
併歸總汛聚居勤練分段輪派巡緝聲勢較完訪察易

上虞縣志校續

卷三十八

兵制

四

編較之三五錯雜無人管束訓練者有別是減兵云者
祇減此無用不可練之兵於兵制實無所損加餉云者
即扣此項裁兵之銀於餉事亦無所加也浙江郡縣克
復時臣即飭逃潰兵丁不准收伍此時議復常制祇須
少募新兵當與浙省撫臣熟商定議並檄藩司楊昌濬
專主其事等因奉 旨妥為籌議辦理欽此六年總督
英桂等會同議奏將浙省水陸各營共裁兵一萬三千
八百二十九名實存兵二萬二千五百七十六名奉
旨依 八年奉文額設兵丁三十五名內戰兵五名守兵

十九名分撥口次戰守兵十一名 詳汛 官例馬二匹兵

戰馬一匹 千總養廉銀一百二十兩月支俸薪銀三兩

外委養廉銀一十八兩月支餉銀三兩米三

斗馬兵舊額每名月支餉銀一兩五錢今改支三兩戰兵舊
額每名月支餉銀一兩五錢今改支二兩五錢守兵舊
額每名月支餉銀一兩今改支一兩五錢米各三斗馬
乾舊額每匹月給銀一兩今例馬照舊戰馬改給草乾

銀一兩五錢已上養廉俸薪均於乾隆四十七年奉文裁改餘係同治六年總督英桂等議奏經兵部覆準奉旨依議新纂

防守瀝海所汛

輪防千把總一員

案今駐防係把總署建所城

外委

一員

案府志作額外外委係乾隆二十六年兩江總督尹條奏案內增設今裁

馬步戰守兵

丁原額九十四名

浙江通志

乾隆四十七年奉文裁改養廉

公糧分防瀝海所實帶兵七十二名內馬兵七名戰兵

十五名守兵三十五名分撥臺汛口次守兵十五名

詳汛

守

官例馬二匹兵戰馬八匹

乾隆府志

同治五年總督左宗

棠奏請減兵增餉八年奉文額設兵丁一十八名內戰

上虞縣志校續

卷三十八

兵制

五

兵三名守兵六名分撥臺汛口次守兵九名

詳汛

官例

馬二匹

把總養廉銀玖拾兩月支俸薪銀叁兩兵餉及馬乾銀兩並同縣汛

○新纂

防守夏蓋山汛

外委一員

案今駐防係外委把總本汛無營署駐劄崧厦

戰守

兵丁原額二十九名

浙江通志

乾隆四十七年奉文裁改養

廉公糧分防夏蓋山實帶兵二十八名內戰守兵十八

名分撥臺汛守兵十名

詳汛

兵戰馬一匹

乾隆府志

同

治五年總督左宗棠奏請減兵增餉八年奉文額設兵

丁一十一名內戰兵一名守兵六名分撥臺汛守兵四

名

詳汛 兵戰馬一匹 外委養廉銀壹拾捌兩月支餉銀叁兩米叁斗兵餉及馬乾銀兩並

同縣汛
○新纂

民兵 額設五十名俱募壯健者充補內分鳥鎗二十名

弓箭二十名長鎗十名與兵丁一體防守雍正十二年

裁汰一十八名實存三十二名每名工食銀原額柒兩貳錢順治九年裁壹兩

貳錢每名給銀陸兩遇閏加伍錢。新纂

弓兵 額設黃家堰巡檢司弓兵八名廟山巡檢司弓兵

一十一名梁湖巡檢司弓兵一十名專司巡鹽捕盜之

事康熙三十九年裁撤黃家堰一司並裁弓兵餘如舊

制每名工食銀原額柒兩貳錢順治九年裁銀壹兩貳錢十四年續裁貳兩肆錢每名給銀叁兩陸錢遇閏

上虞縣志校續

卷三十八 兵制

六

加叁錢
○新纂

舖兵 額設衝要五舖嵩陡司兵五名崑崙池湖蔡山板

橋司兵各四名次衝要六舖縣前通明查湖華渡蔡墓

新橋司兵各四名偏僻四舖夏蓋烏盆踏浦瀝海司兵

各三名平時傳遞公文遇警馳報衝要二十一名每名工食銀捌兩肆錢次

衝要二十四名每名工食銀柒兩貳錢偏僻十二名每名工食銀陸兩遇閏俱照加。新纂

看守城門兵 本縣及瀝海所每門五名係額設兵丁內

輪流派值乾隆府志同治八年裁改營制各按兵數派守新纂

鄉兵 咸豐年間粵匪亂各鄉奉 憲檄設立團勇無定

額糧由民給事平撤去新纂

教場 舊在縣治西七十步居民侵為業後改在縣治東

按察分司署旁萬曆府志今在縣治東等慈寺側嘉慶志

汛守

瀝海所汛 在府東北七十里纂風鎮去海里許東衛臨

山西捍黃家堰近海岸有施湖隘四匯隘為汛守要地

洪武二十年信國公湯和建城案會稽縣志會置官兵

戍之詳兵制轄臺一曰西海塘烽墩三曰槎浦曰胡守池

曰槌樹巡檢司一曰黃家堰巡司 國朝分設汛守東

上虞縣志校續 卷三十八 兵制 七

至上虞縣六都二十里與夏蓋山汛接界西至會稽縣

三十三都抵海南至上虞縣七都傅浦江與三江所接

界北至會稽縣三十三都半里抵海左營千把總帶兵

駐防詳兵制轄臺二曰北門臺案本臺屬會稽地曰踏浦

臺口次一曰西匯嘴本所原設判官新礮二臺於康熙

五十六年奉裁浙江通志

夏蓋山汛 在縣西北六十里南臨夏蓋湖西近三江口

北枕大海舊有烽墩洪武中築臨山衛所轄案嘉靖間

判雷鳴陽率兵駐此詳見古蹟蓋山亭碑 國朝增設汛守東至五都陳倉

堰與臨山汛接界西至六都萬壽菴與瀝海所汛接界
南至雁埠南塘三十里與餘姚縣汛接界北抵海右營
千把總帶兵駐防案今駐防係右營外委詳兵制臨山守備兼轄轄臺
二曰荷花臺曰顧家臺浙江通志

中原堰 在縣五都有廟山巡檢司城舊駐餘姚之廟山
洪武二十年徙今所仍故名。萬歷府志設弓兵防禦浙江通志

通志 國朝康熙八年巡檢司移駐臨山衛城兼轄中原
堰毗連一帶新纂

黃家堰 在縣西北七十里纂風鎮有巡檢司城舊駐府

上虞縣志校續 卷三十八 兵制

城東北六十里黃家堰洪武二十年徙瀝海所西宏治
中徙今所。萬歷府志設弓兵防禦浙江通志 國朝康熙間

巡檢司裁備稿

烏盆隘 在縣五都萬歷汛守要地舊有烽堠洪武中築

臨山衛所轄浙江通志

趙港 在縣五都乾隆餘舊有烽堠洪武中築臨山衛所

轄浙江通志

槎浦 在縣西六十里舊有烽堠洪武中築瀝海所所轄

浙江通志

施湖隘 四滙隘 在滙海所舊以二處海水衝激賊船

易泊特立寨委官一員旗兵五十名守之今廢天下郡國利病

書 滙海所所轄浙江通志

西滙嘴 在黃家堰明嘉靖三十二年倭賊登犯天下郡國利病

書 國朝康熙五十六年增設口次為邊海緊要東至

本所城五里西北抵海浙江通志滙海所所轄撥守兵五名

烟墩三座乾隆府志同治間改撥守兵三名新纂

踏浦臺 康熙二年築東五里至萬壽菴與夏蓋山汛接

界浙江通志滙海所所轄撥守兵五名烟墩三座乾隆府志道光

上虞縣志校續 卷三十八 兵制 九

二十一年巡撫劉韻珂籌辦海防檄知縣劉廣湄重修

並建營房三間今圯同治間改撥守兵三名新纂

荷花臺 明初僅設荷花池烽墩屬臨山衛所轄 國朝康熙二

年改築臺後倒入海中夏蓋山汛所轄撥守兵五名烟

墩三座浙江通志舊建營房三間今圯同治間改撥守

兵二名新纂

顧家臺 康熙二年築東至黃家路十里烏盆地方與臨

山汛接界西至夏蓋山十里浙江通志夏蓋山汛所轄撥守

兵五名烟墩三座乾隆府志道光二十一年巡撫劉韻珂籌

辦海防檄知縣劉廣湄重修並建營房三間今圯同治

間改撥守兵二名新纂

案嘉慶志載康熙十年紹協鎮左營都司王自功移文內開上虞縣沿海有踏浦臺荷花臺顧家路臺墊橋路臺崔家路臺趙家路臺勝山臺曲塘臺今已奉文撤防考原文稱紹屬二十四臺外尚有蕭山之長山臺餘姚之臨山北門臺二臺俱同時建造今已奉文撤防非謂各臺俱撤防也舊志失於體認而於夏蓋山臺汛仍開列守兵各五名前後疏舛惟查臺寨防守僅踏浦荷花顧家臺三座隸於本縣其餘則歸餘姚之周巷澚山汛慈谿之觀海衛汛非本縣所轄不贅錄

又案嘉慶志海防載有臨山衛一汛浙江通志云衛在餘姚西北五十里初置廟山上後徙上虞故嵩城戍守去海三里並海築城舊志蓋據此列入不知通志所云明係徙故嵩城於臨山衛萬曆府志亦云洪武二十年

上虞縣志校續

卷三十八

兵制

十

信國公湯和經畫浙東以餘姚東北控大海慮島夷或竊發上虞非要津也乃奏徙上虞故嵩城於餘姚西北五十里廟山之上並海而城之為臨山衛是衛城在前明時本屬餘姚國朝亦然不得列入本縣汛守今刪

右沿海汛

百官 在縣西北四十里

萬曆志

唐舊縣址

萬曆志

明移梁湖

巡檢司駐百官市

明史地理志

設弓兵防禦

乾隆府志

今如舊制

曹梁汛所轄同治間撥守兵一名烟墩三座

新纂。案百官上接

龍山下通瀝海所西鄰江為縣境要口

曹娥 在縣西三十五里

嘉泰會稽志

縣汛所轄撥戰兵一名

守兵四名烟墩三座

乾隆府志

後改撥十三名

嘉慶志

舊建營

房五間瞭樓一座咸豐十一年燬今曹梁汛駐劄同治

間改撥戰兵一名守兵六名新纂○案曹娥前接東關後背大江亦一要害也

梁湖 在縣西三十里萬歷府志宋時有營嘉泰會稽志明置巡檢

司本治梁湖尋遷百官市仍故名明史地理志縣汛所轄撥

戰兵一名守兵四名烟墩三座乾隆府志後改撥十三名嘉慶

志舊建營房三間瞭樓一座咸豐十一年燬今曹梁汛

所轄同治間改撥守兵二名新纂○案梁湖西控娥江東接運河又北有蘭風山

舊與餘姚之石堰均為海浦要地見讀史方輿紀要

蒿壩 在縣西南四十五里萬歷志縣汛所轄撥守兵五名

烟墩三座乾隆府志後改撥七名嘉慶志同治間改撥守兵一

名新纂○案蒿壩在曹娥江西岸接會稽界紹台二郡往來通衢

上浦 在縣西南四十里萬歷志縣汛所轄撥兵四名烟墩

三座嘉慶志同治間裁新纂○案上浦亦接會稽界與王家滙鋪山頭均為沿江要區

王家滙 在縣西南縣汛所轄撥兵四名烟墩三座嘉慶志

同治間裁新纂

鋪山頭 在縣西南縣汛所轄撥兵四名烟墩三座嘉慶志

同治間裁新纂

章家埠 在縣西南四十里萬歷志縣汛所轄撥兵四名烟

墩三座嘉慶志同治間裁案章家埠濱於江南接已上五

口次舊俱有營房歲久傾圮新纂

三界 在縣西南六十里萬曆志漢始置縣舊址萬曆志嶮縣

汛所轄撥兵防守烟墩三座乾隆府志

右沿江汛

佛蹤山 在縣西北四十五里名勝志○嘉慶志蹤一作跡宋元俱有

寨天下郡國利病書

糜家山 在縣南六十里萬曆志與餘姚接界進東南三里

卽大嵐山地甚僻新纂○案嘉慶志作元有巡檢司天下當奉化嶮二縣界非

上虞縣志校續 卷三十八 兵制 三

郡國利病書

寨嶺 在縣南六十里古潭山西宋時鄉人禦倭寇於此

萬曆志山口有更鼓巖寇至民於巖上駕鼓新纂

雙溪嶺 在縣南二十五里李溪之上萬曆志同治元年鄉

兵誘賊中伏處新纂

笙竹嶺 在縣東二十里接餘姚境萬曆府志○案府志險要繫此於餘姚縣

下其為縣境要口不復載今增補

智果店 在縣東北十五里嘉靖中倭入犯官軍卻之卽

此讀史方輿紀要○嘉慶志店一作寺

通明堰 在縣東三里 萬曆府志 宋時有營 嘉泰會稽志 已上七處

皆縣汛所轄 新纂

中堰 在縣東十里 萬曆府志 縣汛所轄撥戰兵一名守兵四

名烟墩三座 乾隆府志 後改撥六名 嘉慶志 同治間裁 新纂

崔王 在縣西七里 萬曆府志 縣汛所轄撥戰兵一名守兵四

名烟墩三座 乾隆府志 後改撥六名 嘉慶志 同治間裁 ○已上

二口次舊有營房歲久傾圮 新纂

右內地汛

萬曆志邑治舊在百官濱江蕞爾其蹂躪於孫寇無足怪者然不知今治之在當時豈盡町疇之場耶漢永建

上虞縣志校續 卷三十八 兵制 十三

間會稽守周嘉請分南鄉為始蓋慮其地曠遠而鮮制馭故立治以為之犄角耳晉謝靈運嘗率家僮數百人自南山伐木開徑直抵臨海太守驚謂山賊趙宋時倭寇突至上山鄉土人柵木禦之不能破今謂之寨嶺則南鄉如三界宜有備也宋亡張世傑舟覆於海其潰卒闖入焚掠廡宇元末方寇據有明州截娥江以西拒屯剡於通明堰則姚江不足為我屏障東鄉宜有備也我朝嘉靖乙卯島倭三至城下兩從餘姚篠嶺而入則東南鄉宜有備也北自袁崧築滬以拒孫恩之後幸久無事所以湯信國撤虞城而城臨山者亦袁滬之遺意又於沿江一帶設巡檢司如廟山黃家堰等處以與臨山為聲援是北以西之江鄉宜有備也虞固非必爭之險而環顧四郊無可倚恃脫不幸饑荒洊仍災癘間作一旦盜乘其隙豈得令閭舍之弱民安枕卧乎故當內練丁壯外謹烽埃晝令村隘以譏察夜嚴街鼓以巡警防守固而備禦周庶乎潛杜不逞者之狂心而可以應卒矣 案虞邑延袤百里山背海襟帶娥江固所謂天險也 萬曆志就四境所至綜論利害頗得其要領

至嘉慶志別立險要然所載七處第據萬歷府志為本
餘仍未詳我朝數百年來德威廣被山海靜謐眾志
成城惟隨時防範之道未可以承平日久稍形廢弛謹
自沿海以迄內地詳列古今汛守以昭慎重其無營汛
烽堠而地屬要害者亦著於篇俾守土者資考鏡焉

兵事

晉孝武帝時妖賊孫恩自海攻上虞案縣治時在百官殺縣令進

襲會稽害內史王凝之於是三吳八郡時以會稽臨海永嘉東陽新安

吳郡吳興義興為三吳八郡一時奔潰旬日之間眾數十萬恩據會

稽自號征東將軍號其黨曰長生人宣語令誅殺異己

有不同者戮及嬰孩由是死者十七八畿內諸縣處處

蜂起朝廷大震遣衛將軍謝琰前將軍劉牢之討之並

轉鬪而前牢之率眾軍濟浙江恩懼乃虜男女二十餘

萬口逃入海牢之還鎮詔以琰為會稽內史都督五郡

軍事率徐州文武戍海浦四年恩復入餘姚破上虞進

寇邢浦琰遣參軍劉宣之距破之恩退縮少日復寇邢

浦乘勝至會稽琰出戰兵敗為帳下張猛所殺牢之進

號鎮北將軍都督會稽等五郡率眾東征屯上虞吳國

內史袁山松築扈瀆壘緣海備恩五年破浹口牢之擊

之轉寇扈瀆城陷害袁山松自後屢入寇不在越皆為

參軍劉裕所敗明年寇臨海太守辛景討破之恩窮感乃赴海自沈妖黨復推恩妹夫盧循爲主自恩初入海所虜男女之口其後戰死及自溺并流離被傳賣者至恩死時裁數千人存而恩攻沒謝朏袁山松陷廣陵前後數十戰亦殺百姓數萬人

據晉書列傳

南北朝宋泰始二年正月行會稽郡事孔覲與子都水使

者操並起兵

案孔覲稱兵舊志依宋書書叛今改詳見軼事

前鋒軍已渡浙江

二月明帝遣建武將軍吳喜統劉亮等東平會稽亮等

進次永興同市二十日上虞令王晏起兵攻郡覲東西

上虞縣志校續

卷三十八

兵制

五

交逼率千餘人趣石瀆值潮涸不得去嶠山民縛以送

晏晏斬之東閣外

據宋書孔覲傳纂

南北朝梁大寶元年侯景跋扈益甚遂矯詔自進位爲相

國封漢王尋加宇宙大將軍都督六合諸軍事十二月

張彪起義於會稽攻破上虞景太守蔡臺樂討之不能

禁

據梁書侯景傳

唐咸通元年正月浙東賊裘甫

裘一作仇

帥千餘人攻剡縣乙

丑陷之時二浙久安人不習戰甲兵朽鈍觀察使鄭祗

德召募新卒軍吏受賂率皆得孱弱者祗德遣牙將沈

君縱等將新卒五百擊甫戰於剡西官軍大敗於是山海諸盜及他道無賴亡命之徒四面雲集衆至三萬分爲三十二隊其小帥有謀略者推劉晔勇力推劉慶劉從簡羣盜皆遙通書幣求屬麾下甫自稱天下都知兵馬使改元羅平大聚資糧購良工治器械越州震恐鄭祗德累表告急且求救於鄰道及諸道兵至始令屯郭門及東小江尋復召還府中自衛朝廷知其懦怯議以前安南都護王式代祗德爲觀察使詔發忠武義成淮南諸道兵授之初甫分兵掠衢婺州婺州今金華府及明州今

波府皆有備不得入又遣兵掠台州破唐興三月己巳甫

自將萬餘人掠上虞焚之所過殺其老穉盡俘少壯者以去癸酉入餘姚東破慈谿奉化據寧海分兵圍象山及王式除書下浙東人心稍安裘甫方與其徒飲酒聞之不樂賊黨劉晔說甫急取越州遣兵西拒甫不從夏四月式至修軍令分軍東南進討乃命宣歙將白琮浙西將凌茂貞北來將韓宗政率本軍土團合千人石宗本率騎兵爲前鋒自上虞趨奉化解象山之圍號東路軍時南路軍拔唐又益以義成昭義兩軍遂克寧海甫

興亦大破賊

遁走六月甲申復入剡式曰賊來就擒耳命趣東南兩

軍會於剡悉擒之

據通鑑唐紀

中和四年越州觀察使劉漢宏遣其將朱褒韓公玖施堅實等以舟兵屯望海杭州將錢鏐出平水與成及夜率

奇兵破褒等於曹娥埭進屯豐山

五代史吳越世家

案通鑑唐紀董昌謂錢鏐曰汝能取越州吾以杭州授汝鏐曰然不取終為後患遂將兵自諸暨趨平水鑿山開道五百里出曹娥埭浙東將鮑君福率眾降之鏐與浙東軍戰屢破之進屯豐山所紀較詳考曹娥埭即北津埭江之東有南津鮑埼亭集浦陽江記南史浦陽江南北津各有埭司以稽察行旅胡梅欄曰南津埭即今之梁湖堰北津埭即今之曹娥堰與西陵埭柳浦埭實於六朝稱四埭今南津埭故道久失胡氏所指梁湖堰

上虞縣志校續

卷三十八

兵制

七

明嘉靖間亦改築然據通鑑所載則出彼必入此戎馬雜還虞當其衝矣

後唐長興三年梁鎮海軍指揮使錢元珣以兄吳越國王

元瓘新嗣位令兵士稱盜劫上虞庫殺令裴昌符尋謀

逆事敗賜死

錢玫家山鄉眷錄

宋宣和二年冬十月建德軍清溪妖賊方臘反三年陷上

虞燬民居及等慈寺其後臘擒餘黨走險剡縣魔賊仇

道人應餘黨而起破剡縣新昌上虞

據宋史徽宗紀李莊簡集泊宅編

案刊誤援據宋史指臘寇為不患虞然俗稱梁湖有福泉山土名大頂尖山頂廣約畝許相傳臘屯兵於此又有袋頭山亦以臘儲糧名顧皆居民之說於志乘無可考其可據者有康熙志遺德廟記宣和七年八月敕詞

云浙部使者奏上虞遺德廟當睦寇猖狂引兵壓境忽素旗出於廟中賊衆駭愕謂官兵已至遂退走睦寇卽方臘相去四年見聞較確非可飾詞奏請又李莊簡集等慈寺鐘銘寺於上虞爲大伽藍經方臘之變金碧之區鞠爲草莽越二十一載有僧首妙智大師志遠始出衣囊與其徒法常兼募衆緣經營而一新之其時爲紹興十一年辛酉莊簡以邑人述邑事其言要爲確據是方臘破虞具有明證刊誤所辨當不盡然

建炎三年十二月金人阿里蒲盧渾御批通鑑輯覽入作阿里富塔渾

越州宣撫郭仲荀奔溫州知府李鄴降蒲盧渾遂濟曹

娥江續通鑑綱目○案婁寅亮縣治記云金虜大入火其邑見正統志

元至元十三年宋張世傑挾潰卒奔玉山故婺寇經剡而來剽掠縱火邑居燬十五年二月世傑舟覆於厓山其

上虞縣志校續 卷三十八 兵制 六

潰卒復闌入城焚廨宇據萬歷志

至正十八年方國珍遣兵侵上虞國珍一作谷珍台之黃

巖人八年始倡亂海上掠州縣有司憚於用兵一意招

撫累進國珍官爲海漕萬戶弟國璋爲衢州總管國珍

旣受官據有溫台慶元之地益強不可制至是遂侵據

上虞截娥江以爲界西拒紹興復分兵屯通明堰明年

十二月元以國珍爲江浙行省平章政事國珍復受之

紹興路錄事邁里古思與石抹宜孫平處州山賊擢江

東廉訪司經歷仍留紹興會國珍侵據紹興屬縣邁里

古思欲率兵往問罪先遣部將黃中取上虞中還將益兵是時朝廷方倚重國珍資其舟以運糧御史大夫拜住哥與國珍素通賄賂情好甚厚使人召邁里古思以鐵鎚搗殺之二十四年十月遣弟國珉築縣城舊止一里國珍以虞爲西鄙案顏氏譜宣慰使顏惟賚隨江浙行省討國珍時國珍據三郡以上虞爲西鄙詳建乃大加繕治廣十有三里置二十七年九

月明太祖旣克張士誠遂命湯和吳楨率常州長興江陰諸軍討之楨引舟師乘潮入曹娥江毀壩通道出其

不意上虞降

案谷應泰明史紀事本末十月癸丑命湯和爲征南將軍吳楨爲副將軍十一月湯

上虞縣志校續

卷三十八

兵制

九

和兵自紹興渡曹娥江進次餘姚

大軍長驅抵餘姚拔

降其知州李樞上虞縣令沈煜

車廡別將又攻下台溫國珍懼乞降赦不誅三郡悉平

據元史石抹宜孫傳明史列傳明從信錄萬曆府縣志

即古倭奴唐咸亨初改日本

貢使宗設

萬曆府志

作宗

抵盜波未幾宋素卿亦至互爭眞僞素卿本鄞縣

明嘉靖二年五月日本國即古倭奴唐咸亨初改日本貢使宗設爲朱氏子名縞自幼鬻於夷先是正德四年曾充貢使爲人傾險重賄市舶太監賴恩因得坐於宗設上又貢船

後至先爲驗發宗設怒遂相讐殺追素卿過上虞直抵紹興城下素卿以鼠匿得免凶黨還盜波所過焚掠縣

境爲之震動

據明史日本傳萬曆府志

嘉靖三十年倭寇烏益

案烏益隘在縣五都去夏蓋山僅五里

明年陷臨山

二事本明謝讜蓋山亭碑詳古蹟

三十二年欵人汪直勾諸倭大舉入

寇連艦數百蔽海而至濱海數千里同時告警冬十二

月林碧川率衆寇瀝海所城千戶張應奎百戶王守正

張永俱死之三十三年正月蕭顯自松江入浙至海鹽

參將盧鏜率兵迎擊賊由赭山遁走歷曹娥瀝海餘姚

九月林碧川沈南山等率衆自楊哥入掠浙東及瀝海

上虞三十四年四月淞浦賊自錢倉白沙灣抄掠寧海

上虞縣志校續

卷三十八

兵制

三

趨樟村遂至邑東門外燒居民房屋渡江冬十月倭自

樂清登岸流劫奉化餘姚上虞至嵗縣乃殲之時賊不

滿二百人所經過處殺戮無算十一月淞浦賊復自溫

州登海歷奉化犯餘姚南行人四明山地險巖官軍數

戰不能勝會盧鏜軍至與戰于斤嶺于梁衎賊少卻走

邑西龔家畝復至東門外時同知屈某適率河南毛葫

蘆兵駐虞迎戰于花園畝甫一合官兵敗北賊由北門

外渡江去橫屍遍野慘酷不可言

案舊志淞浦賊兩寇虞一作三十四年六

月一作三十五年正月與府志稍異

三十五年八月盧鏜擊賊於夏蓋山

三江海洋大破之俘斬甚衆

據明史列傳籌海圖編萬曆府縣志

案倭寇虞始壬子迨甲寅乙卯以來擾害尤烈民遭蹂躪井里蕭條中間三薄城賴前令鄭芸修葺完固不能破鄉村則無有能抵禦者自盧鏜夏蓋山一擊賊鋒挫折始鮮倭患然人情洶洶雖數十年後猶危懼不自釋萬曆志云十六年夏六月東鄉譌傳倭寇至男女棄家號奔者如蟻競至曹娥爭不得渡墮水死者纍纍時虞城方圯壞居民益惶急縣令蔡淑達促令修築倉皇莫辦聊以木柵禦之盡驅子民持戈握火登陣為守歷三晝夜乃罷二十六年復譌傳倭寇自臨山而來鄉民逃竄縣令胡思伸夜出關王廟急召鄉大夫士民議備禦之計上下皇皇登陣為守一晝夜而罷觀此則倭之寇虞亦慘矣

崇禎十六年奉化賊竺文竺武屯聚大嵐山劫掠四出撫

按檄奉虞新嵒四縣勦平之

嵒縣志

上虞縣志校續

卷三十八

兵制

三

國朝順治二年明張國維朱大典陳函輝鄭遵謙熊汝霖

孫嘉績迎魯王以海於台州監國紹興六月貝勒博洛

等率兵趨杭州潞王常澇以城降并降淮王常清監國

使于穎等畫江以守時 王師未東下橫弁肆掠甚於

盜賊虞民病之三年六月丙子 大兵渡錢塘江紹興

列戍賊潰馬士英阮大鍼喉方國安使執監國以獻監

國脫走航海 大兵定紹興進下甌波境內肅清民得

蘇息

據聖武記魯紀年南略浙記南疆釋史康熙志

順治四年餘姚人王翊字完勳

越殉義錄作上虞人今據勝朝殉節諸臣錄及南疆

釋史係前明諸生魯監國時募卒海濱與防江諸師為聲

援授兵部職方主事己丑庚寅兩謁舟山浙東潰翊至

舟山說黃斌卿來襲寧波許內應歸約寧波諸生華夏

等起事未幾謀泄夏等捕入獄翊入四明據險自守乃

結主寨於西北境之大嵐山號大嵐洞主案餘姚志本

言邵一梓李長祥分營互應釋史謂是時浙東山寨鱗

次大率招集無屬從事鈔掠惟煌言軍上虞之平岡長

祥軍上虞之東山且屯且耕井邑不擾然皆單弱不如

翊雄翊一於蔓延四明八百里內設五營五司五司主

餉王江任之五營五年案康熙志作四年南疆釋史春

主軍翊自統之三月破上虞署知縣劉方至遇害夜半援兵至翊竄走

會故御史馮京第以湖州軍破間行入大嵐遂與合兵

守杜嶼提督調浙西兵令山民為導攻破之翊以四百

人走天台依威遠將軍俞國望久之謂其部下曰山民

為敵嚮導不可不除也乃回四明擊散團練者兼旬中

隨道收合得萬餘人六年三月再破城盡焚縣廨冬十

一月至南鄉下管村燒燬民房越明年九月王師會

討令曰不洗山寨無以塞內顧乃大舉平南將軍金礪

與提督田雄會於大嵐仍用土團為嚮導翊累戰不能

抗遂率兵逃入海八年秋大兵三道下舟山翊復由

奉化出天台集散亡為援途中被執不屈死十三年春

餘黨投誠復叛焚劫鄉村居民皆逃避大將軍宜檄

紹二府合兵勦平之據南疆釋史康熙志○案王翊舊

之南疆釋史事跡均合惟以破縣城殺劉令為四年事

與釋史異考志內劉方至傳本作戊子是志誤以戊子

為四年因以次年再破城為五年紀年略有舛錯其事

實係完勦非岳壽也刊誤謂王岳壽別有其人志內張

鳳岐傳載康熙十七年山賊王岳壽圍邑城後殲於塔

山事隔三十年不應前後長此一人據此則為完勦尤

確又康熙志曰為土寇嘉慶志仍之伏念國朝定鼎

之初明諸遺臣興兵抗拒例合直書至嘉慶時純廟

錫謚褒忠已載入乾隆四十年欽定勝朝殉節諸

臣錄宸章炳耀薄海咸知邑志書法亦當改易且查

忠烈傳載王翊事而他處則仍稱土寇與賊何不為之

詳核耶茲但書其擾累虞邑不仍加翊以賊名庶彰我

上虞縣志校續

卷三十八

兵制

三

朝寬 仁之美

康熙十三年福州耿精忠反浙東溫台諸州賊兵充斥

諸暨等不逞之徒所在竊發漫山賊壘賊龔萬里屯據

大嵐山遙應耿逆並遣兵四出劫掠時夸蘭大張所志

往省運礮位至上虞遇賊方懋功奮勇進勦擒殺三百

餘名十四年二月奉命大將軍八月郡兵東討上虞餘

姚至大嵐悉平之萬里伏誅據東華錄乾隆府志餘姚志

康熙十七年七月海賊突入掠北鄉居民倉皇無所措把

總張殿或云名虎命避寇者入居故巡檢司土城在五都率

兵丁捍禦手刃數賊力屈遇害賊亦旋去是年山賊王岳壽圍縣城工吏張鳳岐充團練使募丁壯數百人嬰城拒守相持五日援兵至賊上塔山遁走鳳岐導官兵合圍於山麓盡殲之

據嘉慶志列傳

道光二十年六月英吉利寇邊陷定海上虞戒嚴兩江總督大學士伊里布奉旨赴浙江勦寇時琦善督直隸英官義律詣津門乞撫琦善為之奏聞八月詔琦善赴廣東籌辦西務檄伊里布緩其師於是三軍之士皆解甲而甘寢夷酋伯麥據定海數月輒縱洋艘四出游

上虞縣志校續

卷三十八

兵制

雷

弋遂繞後海侵上虞界有五桅大船駛行近夏蓋山觸

石礁船破

案夏蓋山俗名覆船山海船須繞道行見山始避多遭覆沒

邑團董楊光

普同瀝海汛把總倪永統眾擒白夷一人

稱國賊

黑夷三

案英吉利人有白黑二種白種者高準碧眼短髮而人拳曲皆其本國人黑種則徵自呂宋孟邁孟加臘諸部而奴使之以夷婦一人裝飾甚盛稱脚船一隻上縣為舵工水手

獻俘知縣龍澤濬械送靈波

案此事去今才五十年邑人目觀者言之甚悉中西

紀事作餘姚二十一年八月夷再犯定海

先是琦善在粵議和撤戍

係傳聞之誤兵大半義律乘其懈奪取沙角大角礮臺琦善無計議割香港予之義律遂還定海事在本年二月益猖獗詔以署兩江總督裕謙為欽差大臣會同提督

余步雲迅速勦辦裕謙駐師鎮海命余步雲守招寶山
虞邑東南一帶俱築土城官兵皆連營結寨與盩郡爲
聲援並於夏蓋山等處修築礮臺防堵海口戊戌夷破
定海總兵葛雲飛陣亡越數日招寶山失守余步雲不
戰而遁裕謙死之鎮海盩郡遂相繼陷官兵退保紹城
巡撫劉韻珂聞變遣兵畫娥江而守 詔復勅奕經爲
揚威將軍文蔚特依順爲參贊大臣馳驛赴浙奕經至
紹駐東關檄徵江皖楚豫秦蜀軍暨土勇沙民合五萬
餘人大半屯曹娥江西岸不敢渡時惟余步雲駐虞屢

上虞縣志

卷三十八

兵制

五

挫之後軍氣益衰縣境逼於寇上下惶恐城市民遷避
盡焉十一月乙丑夷將窺紹興遂駛駕火輪兵船闖餘
姚姚城南有江橋海舶不得進夷復回盩虞得免害

據採

訪事實參
中西紀事

咸豐十年餘姚黃春生宣自文等因逋租倡亂連結各村
號十八局員外郎謝敬募土兵破之自文竄虞廩生丁
敬義率衆擒之十一年五月春生復聚衆竊發勾引嵎
邑虎嘯黨屯梁衙掠虞邑廟巒闖入丁宅街聲言復讐
索敬義不得焚民房數十間飽掠而去自是數聞警邑

人洵懼知縣胡堯戴咨會姚令並乞師於謝敬於是刻期會擊并敬義團兵爲四路及期堯戴率兵先至匪驅衆悉出聲勢甚壯我兵單不數合而敗急收軍退保城匪驟進黃竹嶺謝敬率所部黃頭軍疾趨出八字橋攻其後擊殺數十人生擒二十餘人匪猶拌死戰會姚令陶雲升及敬義兵至乃遁走鄉民縛春生獻於縣胡令斬之

據採訪事實

咸豐十一年髮逆洪秀全黨率衆數十萬略金華而下紹屬大震初賊以邪教起粵西之金田

事在道光三十年蔓延者

上虞縣志校續 卷三十八 兵制

美

數省尋據金陵稱天王賊酋自王以下分股竄擾八年始及浙十年二月僞忠王李秀成陷省城巡撫羅遵殿署布政使王友端死之將軍瑞昌守子城相持五日會廣西提督張玉良援師至賊遁去至是由金華竄入紹九月癸丑賊陸順德後爲僞來王等攻郡城知府廖宗元先數日死主守無人駐紹團練兩大臣邵燦以丁艱去王履謙相繼走城遂陷官兵退守曹娥江餘姚謝敬常勝軍扼百官渡邑人陳振聲捐資募團勇協守瀝海所一帶江防賊不得渡知縣胡堯戴募兵守城十月乙亥僞

將進天義黃呈忠後爲僞戴王合諸暨匪何文慶由嵯竄虞

丙子呈忠大隊至南鄉清水塘分路來撲一進沙塍攻

百雲門一繞出朱村花園畝通明轉攻啟文門先是舉

人劉輝訓導錢榮光奉巡撫王有齡札辦團練捐資兩

姓募就近丁壯三百人購軍裝火藥儲糧餉設局東嶽

廟逐日操演夜更換防守十月壬戌癸亥獲賊謀二人

斬之於聯登橋賊偵知東鄉有備以馬隊三百餘名先

闖入步兵繼之衆如蟻民團見勢不敵皆退走官兵亦

不戰自潰午刻城陷知縣胡堯戴死之典史曹燮同時

上虞縣志校續

卷三十八

兵制

七

死時胡令戚屬候補縣丞李光祖亦死於賊賊縱火縣廨民居光燄燭天一

晝夜不絕次日呈忠竄餘姚留賊首羅黃司廖分據四

門大掠城外三日乃招進獻勒索羊豕雞鶩等物鄉民

劫於威無敢不供下令蓄髮頌僞論安民十一月立僞

鄉官縣設僞監軍鄉設僞軍帥師帥並給印旅帥給旗

強富民爲之參以土豪羅布村鎮公所設座列刑杖如

衙署制索丁口冊編門牌計戶納番錢遣僞官脅取各

鄉設立卡隘派賊目守之十二月大拘工匠與土木拆

文廟改邑廟爲僞公館是月壬子省城再陷將軍瑞昌巡撫王有齡學政張錫庚

同日 同治元年正月十九都民團起義殺賊南鄉自虎
殉 嘯黨亂後各村素有團兵賊屢窺管溪民團殺之或十
餘人或數十人不等三月癸未朔設局通澤大廟總理
恩貢生王志熙監生黃燕貽統領王殿孝王景輝分帶
王河圖王仙根陳漢章張錦堂部署既定正擬出擊會
大嵐吳芳林亦舉義旗殺賊壬辰王志熙等遂會同芳
林破梁衙後陳前方馮村等處賊卡斃賊無算丙申復
出廟下大石埠破丁宅街張村關山諸賊壘殺賊三百
餘人十五都王紹洙等亦出寨嶺破章鎮沿江等處賊

巢殺賊百餘人南鄉卡隘攻勦殆盡翌日賊乃大舉至
路口街殿孝誘賊中伏斃賊一千餘人生擒十八人獲
賊首廖某戊戌民團復出廟灣丁宅街兩路有副貢生
徐子晉增生徐辰榮率三百餘人協助奮擊斃賊五六
百人羅賊大隊駐清水塘乘我兵四散作食猝然進攻
前後不及救應王殿孝王仙根俱被害死賊者三十餘
人受傷者七十餘人賊入管溪虜掠殺害無算庚子羅
賊合餘嶧各賊號稱十萬蚤夜出隊芳林至管溪中賊
黨毒俄賊至芳林七戰皆勝毒發死之死賊者王紹成

等十餘人賊伏兵四起民兵被圍不得脫天忽大雷雨
遂奮力奪路斃賊百餘人民兵傷者一百十三人始得
退守要隘賊燒廟灣等處而回先是賊黨至北鄉索門
牌費勢橫甚民不勝憤聚而殺之各村響應俄頃集數
千人誓進城殺賊至半路橋賊隊大出槍礮震天衆潰
散賊大肆焚殺死傷如積此北鄉一大劫也四月己未
據寧賊酋黃呈忠率慈奉餘上岷五縣之賊號五十萬
分攻大嵐羅賊入管溪民團壘石以拒死賊者糜邦俊
等九人賊燒嶺下黑龍潭間道入隱地燒刈一空庚申

復由隱地至大嵐周迴三十六村盡成焦土甲子官兵
協英法二國兵克復寧波呈忠入上虞首尾兼顧賊勢
大挫寧城之捷雖仗官兵南鄉爲之後綴亦與有力焉
七月戊子復餘姚潰賊竄東鄉自通明以下十餘里連
營屯劄時王志熙已死民團幾不振廩生丁敬義往寧
奉憲勸諭辦團并給軍裝火藥令俟官兵到虞爲策應
於是黃燕貽偕增生王莘等復圖義舉賊知各都民團
又起意欲先發制人乙未羅賊夜入丁宅街大肆圍殺
戊戌進莊頭下許鳳桐樹等處民團堵禦接仗殺賊三

十餘人庚子賊又進下莊嶼莊頭下許至張家嶺民團拒殺斃賊五十餘人民兵陣亡十餘人賊燒張家嶺房屋遁去八月辛亥朔潰賊萬餘至梁術後陳等處民團緊守要隘與賊對仗互有殺傷乙卯賊由梁術至大嶺等處徐子晉徐辰榮會同王莘黃燕貽等督民團迎擊殺賊二百餘人乙丑呈忠及餘姚潰賊上虞黃賊四路分竄民團亦分路截殺死賊者陳漢章等九人賊入管溪燒民房百餘間殺害丁壯老幼無數賴徐辰榮等督率民團協力鏖戰徐子晉鳴鑼率各村士民掃數齊出

賊始遠遁丙寅復竄餘姚四門鎮當是時賊分路攻竄一由南鄉出大嵐一由東鄉出餘姚南鄉有民團苦抵不能深入閏八月己亥王紹洙與賊對仗力竭死之東鄉一路竟爲賊衝新調者方去潰散者復來所過俘掠居民多入山餓死罹禍與南鄉略等丁未賊陸順德由奉化潰回突入平岡下許等處連營三十里戊申由下許等處竄入白龍潭王潮等知勢不敵急往嵗地盧田等處集勇五百餘人合就地民團奮擊賊始潰遁白龍潭地面被燒無餘九月庚戌朔賊移營管溪廟下等處

壬子拔營去西鄉自虞城陷後頗稱完善賊蓋留此爲
逃竄地梁湖商賈所聚百貨充牣尤饒富是月丁巳潰
賊何文慶由五夫奄至大肆剽掠居民奔避不遑號泣
聲不絕於路庚午紹城賊會攻餘姚復由梁湖取道虜
掠一空戊寅前竄紹台道張景渠與護理提督陳世章
法國副將勒伯勒東率中外軍取上虞已卯自辰至巳
連擊東鄉賊營彈落如雨賊潰走南鄉遇民團據險截
殺遂竄入嵎姚地大股賊竄北鄉分渡百官後郭兩處
我兵進薄城以炸彈大礮轟之賊猶力拒稅務司日意

格督隊直前各軍奮登斃賊甚夥遂復縣城賊走西鄉
渡江十月庚辰朔賊何文慶復率數千人竄瀝海所百
官梁湖駐一夜而去紹城賊亦由蒿壩渡江焚掠花浦
橫山等處西鄉及西以北西以南各村大罹其害賊之
渡蒿壩也搭浮橋於江連結曹娥賊夾攻上虞勢危急
邑紳王耀紱偕諸生宋棠職員鄭廷振夤夜招集農民
爲備禦計黎明飛騎稟道憲時賊已至倒轉水離梁湖
止四里
洋兵聞警迅赴遇賊於袋頭山下鎗發斃騎馬賊二名
衆驚散我兵鼓噪從之賊大潰遂遁回花浦爭渡溺死

者無算是日縣境肅清越數日文慶復據曹娥連營數里備舟欲東渡張景渠同游擊布興有率廣濟勇扼百官紳士糜憩棠谷南林邀團董金鑑金鼎等捐資供應併募民兵爲協守梁湖有耀紱等辦江防復得守備張其光法國帶兵官阿宜率廣勇花綠頭拒守不得渡會新嵎克復賊以我兵聲勢連結懼而遁張景渠規取紹城督中外軍濟曹娥江仍於沿江一帶派員戍守杜賊回竄二年正月巡撫左宗棠定金華復諸暨癸酉張景渠克紹城遂收蕭山賊西竄浙東悉平各防兵始撤去

上虞縣志校續

卷三十八

兵制

三

據採訪事實
參平浙紀略